

## Missiva

Quatordecì diciottu  
in la memoria cum'è un bottu  
ci hè un ritratu in lu salottu  
campanile singhjazzava  
murtoriu chi sunava  
ùn ti possu mancu di

era ghjunta la missiva  
a la nova chi curria  
u paese era in merria

era stonda maladetta  
era cum'è una saetta  
chi ùn paria più finì

u silenziu si facia  
à chi zittu à chi pienghjia  
« ùn hè ora » à chi dicia  
è u merre s'accunciava  
a so manu trimulava  
eppo s'appuntava à di

incù una bandera à fiancu  
tenia issu fogliu biancu  
fidighjava quella lista  
oh chi pagina più trista  
una angoscia à more qui

fidighjava quella lista  
oh chi pagina più trista  
chi venia à insepelli  
numinava i cascati  
capurali eppo suldati  
chi ùn vultaranu ma più

era tempu di guerra  
era tempu di guerra  
è ghjera quì  
era tempu di guerra  
era tempu di guerra  
era tempu di guerra  
è ghjera quì

in manu e so crucette  
cacciavanu e barette

l'anziani ch'èranu quì  
pè u prezzu ch'è ne costa  
si sentia una risposta  
« mort pour la France »

pè u prezzu ch'è ne costa  
si sentia una risposta  
« mort pour la France »

in paese di defuntu  
casce mai qui n'hè ghjuntu  
fà dolu era cusi  
ci vole à pruvallè tutte  
o quante famiglie strutte  
quante pene torna à di

si chjudianu i purtelli  
pè e mamme è i zitelli  
chi vultavanu urfanelli

ci era bè u sgiò curatu  
o quantu ch'ellu hà precatu  
quantu ch'ellu hà cunsulatu  
o s'è tù pudie vede  
ciò ch'ella pò fà a fede

o s'è tù pudie vede  
ciò ch'ellu pò fà u crede  
quandu tuttu pare finì

à u vechju memuriale  
s'è tù passi puru avale  
fassi segnu ùn farà male

era tempu di guerra  
era tempu di guerra  
è ghjera quì  
era tempu di guerra  
era tempu di guerra  
è ghjera quì  
era tempu di guerra...